

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA TANO**

**09 APRILI, 2018**



## **ORODHA YA SHUGHULI ZA LEO**

### **MKUTANO WA KUMI NA MOJA**

**KIKAO CHA TANO – TAREHE 09 APRILI, 2018**

**I. DUA:**

**II. HATI ZA KUWASILISHA MEZANI:**

**WAZIRI MKUU:**

Taarifa za Matoleo ya Gazeti la Serikali pamoja na Nyongeza zake yaliyochapishwa tangu Mkutano wa Bunge uliopita kama ifuatavyo:-

- (i) Toleo Na. 05 la tarehe 02 Februari, 2018
- (ii) Toleo Na. 06 la tarehe 09 Februari, 2018
- (iii) Toleo Maalum Na. 03 la tarehe 13 Februari, 2018
- (iv) Toleo Na. 07 la tarehe 16 Februari, 2018
- (v) Toleo Na. 08 la tarehe 23 Februari, 2018
- (vi) Toleo Na. 09 la tarehe 02 Machi, 2018
- (vii) Toleo Na. 10 la tarehe 09 Machi, 2018
- (viii) Toleo Na. 11 la tarehe 16 Machi, 2018
- (ix) Toleo Na. 12 la tarehe 23 Machi, 2018

### **III. MASWALI:**

#### **WIZARA YA AFYA, MAENDELEO YA JAMII, JINSIA, WAZEE NA WATOTO:**

#### **34. MHESHIMIWA LEAH JEREMIAH KOMANYA (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Mkoa wa Simiyu ambao ni Mkoa mpya hauna Hospitali ya Rufaa hivyo Wagonjwa wanalazimika kusafiri umbali wa zaidi ya km 140 kufuata huduma hiyo katika Hospitali za Rufaa za Mikoa ya Shinyanga na Mwanza; Mwaka 2015/16 Mkoa wa Simiyu ulipokea fedha kidogo ya kuanzisha jengo la OPD:-

- (a) Je, Serikali itaendelea kutoa fedha kwa ajili ya ujenzi wa Hospitali ya Rufaa ya Mkoa;
- (b) Je, ni lini Serikali imepanga kukamilisha ujenzi wa Hospitali hiyo.

#### **35. MHESHIMIWA ABDALLAH ALLY MTOLEA (TEMEKE):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali iliipandisha hadhi Hospitali ya Temeke kuwa Hospitali ya Mkoa ambayo sasa inastahili kuhudumiwa na Wizara badala ya Halmashauri ili huduma inayotolewa hapo ifanane na hadhi ya Hospitali ya Mkoa:-

Je, ni lini Serikali itaanza kuihudumia Hospitali hiyo kwa kiwango kinachostahili ili kuipunguzia mzigo Halmashauri.

**WIZARA YA UJENZI, UCHUKUZI NA MAWASILIANO:**

**36. MHESHIMIWA JOSEPH MICHAEL MKUNDI (UKEREWE):**

Atamuuliza Mheshimiwa Waziri wa Ujenzi, Uchukuzi na Mawasiliano:- Uwepo wa mawasiliano ya uhakika kati ya Visiwa vya Ukerewe na Mkoa wa Mara ni muhimu kwa uchumi wa Wananchi wa Ukerewe na hatua kadhaa zimeshachukuliwa kuhakikisha daraja kati ya Lugezi na Kisorya linajengwa:-

Je, ni hatua ipi inachukuliwa na Serikali kuhakikisha daraja hilo linajengwa.



**WIZARA YA VIWANDA, BIASHARA NA UWEKEZAJI:**

**37. MHESHIMIWA MARIAM NASORO KISANGI  
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Katika Jiji la Dar es Salaam kuna Viwanda vingi ambavyo vimebadilishwa matumizi yake na kugeuzwa kuwa maghala ya kuhifadhia vifaa mbalimbali:-

Je, Serikali ina mpango gani wa kuvirejesha Viwanda hivyo kwenye matumizi yake ya awali.

**WIZARA YA FEDHA NA MIPANGO:**

**38. MHESHIMIWA MOHAMED OMARY  
MCHENGERWA (RUFJI):**

Atamuuliza Mheshimiwa Waziri wa Fedha na Mipango:-

(a) Je, Serikali ina hisa kiasi gani katika Kiwanda cha Sukari cha Kagera;

(b) Je, kiasi cha fedha kilichokopwa na Mwekezaji kwa “*Guarantee*” ya Serikali kimeshalipwa.

## **WIZARA YA MAMBO YA NDANI YA NCHI:**

### **39. MHESHIMIWA MWANTAKAJE HAJI JUMA (BUBUBU):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi Bububu ni kikongwe sana na pia kimechakaa sana na kinahitaji ukarabati mkubwa:-

Je, ni lini Kituo hicho kitafanyiwa ukarabati.

### **40. MHESHIMIWA EDWARD FRANZ MWALONGO (NJOMBE MJINI):**

Atamuuliza Mheshimiwa Waziri wa Mambo ya Ndani ya Nchi:-

(a) Je, Serikali inatumia pesa kiasi gani kuhudumia Mfungwa mmoja kwa siku kwa huduma ya chakula tu;

(b) Vitendo kama kulala chini, kulala bila blanketi au shuka, kulala bila neti vimekuwa vya kawaida kabisa katika Magereza yetu nchini;

Je, hii nayo ni sehemu ya adhabu ambayo Wafungwa wanapewa kwa mujibu wa Sheria.

## **WIZARA YA MAJI NA UMWAGILIAJI:**

### **41. MHESHIMIWA OMARI MOHAMED KIGUA (KILINDI):**

Atamuuliza Mheshimiwa Waziri wa Maji na Umwagiliaji:-

Je, Serikali ipo tayari kutuma timu ya tathmini ya kukagua Miradi ya Maji ya Kwediboma, Kwekivu, Sange, Chamtui na Mafuleta ili kuona kama vigezo na viwango vya ujenzi wa miradi hii mikubwa vimezingatia thamani ya fedha (*Value for money audit*).

### **42. MHESHIMIWA AJALI RASHID AKBAR (NEWALA VIJINI):**

Atamuuliza Mheshimiwa Waziri wa Maji na Umwagiliaji:-

Je, nini hatma ya mradi wa maji wa Makondeko.

## **WIZARA YA MIFUGO NA UVUVI:**

**43. MHESHIMIWA ESTHER NICHOLAS MATIKO  
(TARIME MJINI):**

Atamuuliza Mheshimiwa Waziri wa Mifugo na Uvuvi: Mnada wa Magena uliopo Halmashauri ya Mji wa Tarime una miundombinu yote licha ya kufungwa na Serikali bila sababu maalum na kusababisha adha kubwa kwa Wananchi wa maeneo hayo pamoja na upotevu wa ushuru. Mwaka 2016 aliyekuwa Waziri wa Kilimo, Mifugo na Uvuvi alitembelea mnada huo na kuagiza mnada ufunguliwe:-

Je, ni kwa nini mnada huu wa Magena haujafunguliwa mpaka sasa ili kutoa fursa za ajira na kuokoa mapato yanayopotea.

**IV. KAULI ZA MAWAZIRI:**

**WAZIRI WA NCHI, OFISI YA RAIS (UTUMISHI NA UTAWALA BORA):**

**V. HOJA ZA SERIKALI:**

**WAZIRI MKUU:**

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2018/2019.



*(Majadiliano yanaendelea)*

**DODOMA  
09 APRILI, 2018**

**S. KAGAIGAI  
KATIBU WA BUNGE**